



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Symbolo Apostolorum. III.

urn:nbn:de:hbz:466:1-40244

64 Comment. in Rubr. Breuiarij. Sect. V. Cap. III.

tuntur, præsentim extra Chorum, saltem retenta est Salutatio Angelica ob cultum beatæ Virginis, cuius ope singularis horis indigemus.

5 In fine Horarum non dicitur, nisi in fine Completorij, ut finis Officij concordet cum principio eiusdem Officij. De eiusdem excellentia lege Naturar. de Orat. c. 19. Concl. 12. expositionem verò accuratissimā edidit inter alios Rutilius Benzonius ann. 1612.

De Symbolo Apostolorum.

C A P. I I I.

Symbolum, ait Russinus in *Expositione Symbols*, est Græcè, indicium, & collatio, hoc est, quod in vnum confertur. Dicitur *Apostolorum*, quia singuli Apostoli in vnum contulere quod quisque, dictante Deo, sensit ante ipsorum divisionem. lege Augustin. Serm. 115. de Tempore, si illius est. Petrus dixit, *Credo in Deum, Patrem omnipotentem.* Ioannes dixit, *Creator omni potens.* Iacobus dixit, *Credo in Jesum Christum, Filium eius unicum, Dominum nostrum.* Andreas dixit, *Qui conceptus est de Spiritu sancto, natus ex Maria Virgine.* Philippus ait, *Passus sub Pontio Pilato, crucifixus, mortuus, & sepultus.* Thomas ait, *Descendit ad inferos, tertia die resurrexit a mortuis.* Bartholomæus dixit, *Ascendit ad celos, sedet ad dexteram Dei Patri omnipotentis.* Matthæus dixit, *Inde venturus est iudicare viuos & mortuos.* Iacobus Alphæi, *Credo in Spiritum sanctum, sanctam Ecclesiam Catholicam.* Simon Zelotes, *Sanctorum communionem, remissionem peccatorum.* Iudas Iacobi, *Carnis resurrectionem.* Matthias compleuit, *V-*

tam eternam. Amen. Hæc Augustinus. ex quibus patet, editum fuisse Symbolum ante necem Iacobi majoris, qua contigit anno Domini 44. Duxi suprà, dictante Deo, teste Tertulliano de *Præscript.* adu. her. cap. 14. quod idem à Romana Ecclesia integrè custoditum fuit, adeò ut Romanum Symbolum fuerit à Vigilio Papa appellatum, lib. 4. *Contra Eutychen.* vbi ait, Romanum Symbolum antiquius esse Nicæno, id est Apostolicum, exponente Duran. de Rit. lib. 2. cap. 24. imò Russinus assertit, in diuersis Ecclesijs factas illi fuisse additiones, Roma verò minime; eo quod nulla hæresis Roma habuerit exordium. Plura de hoc Symbolo Dominicus Grauina in *Cathol. præscriptionibus* lib. 4.

2 Decreuerat Damasus, ad omnes Horas recitari hoc Symbolum, ut in *Suppl. Chron.* in eius Vita, & idem habet Polyd. Virgil. lib. 6. de *Inuent.* cap. 2. Durandus quoque lib. 4. cap. 25. innuit, suo tempore fuisse in vnu hunc ritum; sed vnu abrogatus est, exceptis Matutino & Prima ante eisdem Horas, & Completo in fine. Ambrosius de *Velan.* *Virgibus de Symbolo* ait: Quotidie antelucanis horis recensendum est. Augustinus lib. 1. de *Symbolo ad Catol.* cap. 1. Quotidie dicite, antequam dormiatis. & Hom. 52. inter 50. Quotidie dicite, quando surgitis, quando vos collocatis ad somnum. Ergo hora Matutina & post Completo aptissimè dicitur, ante horam Primi, quæ diei est initium, æquè aperte dicitur. Amal. lib. 4. c. 2. Gem. lib. 2. c. 59. Hugo Vict. in *Spec. cap. 3.* mentionem huius Symboli faciunt in Prima, Completo, & ad Precessantem.

3 Quare

3 Quare nouo iure quinques homines recitatur in Officio, si dicantur Preces in Prima & Completorio. Initio quidem Matutini & Primæ ad professionem fidei, quæ est virtutum omnium fundamentum: & dicitur secretum, quia in primitiva Ecclesia sub silentio plerique fideles erant, metu persecutionum, Dur. lib. 4. cap. 25. In fine quoque Completorij secretum dicitur; quia in fine mundi plures in corde reseruabant fidem, non ore palam prædicabunt, idem ibidem. In medio ad Preces Primæ, & Completorij; quia in primitiva Ecclesia, & in fine mundi in electis solidior fides, vnde & bis in his duabus Horis dici solet.

4 Sed cur in medio, ad Preces, partim clara voce, partim secreto dicitur? Quia corde creditur ad iustitiam, ore autem confessio fit ad salutem, Roman. 10. Dur. lib. 5. cap. 5. sed numquam totum clara voce, sicut in Missa, quia, inquit S. Thom. 2. 2. quæst. 1. art. 9. ad 6. initio diei, in primitiva scilicet Ecclesia, prædicabatur fides poum oculis; & idem in fine diei, Antichristi tempore, fiet; nunc vero temporis, quod hora Missæ representat, manifestata fide, Symbolum Patrum, quo declaratur Symbolum Apostolorum, euulgatur liberè, & absque metu cantatur. De Symbolo satis.

De initio Horarum.

C A P. I V.

Tribus modis inchoatur Horæ Matutinum per *Domine labia mea*, &c. Completorium per *Converte nos*, &c. Reliquæ Horæ per *Deus in adiutorium*. De Matutinum principio prædicto meminit Amal. lib. 4. cap. 9. & alij post eum. Signum Crucis ad os fieri, scribit Gemma an. lib. 2. cap. 1. De initio Completorij prædicto, Hugo in Spec. cap. 3. De initio reliquarum Horarum, quod diximus, Nau. de Orat. cap. 3. num. 64. & auctorē facit Damasum suam Hieronymi. Gregorio tribuit Polyd. Virgil. lib. 6. de Inuent. cap. 2. Amalar. autem in Matut. lib. 4. c. 9. non meminit huius Versus, *Deus in adiutorium*. Erat autem hic Versus in ore Monachorum frequentissimus, Cassiano teste lib. 12. Institut. c. 23. coll. 10. cap. 10. Signum Crucis à fronte ad pectus ad ea verba fieri, tradidit Beler. de Diu. Offic. cap. 24.

2 Contingit enim, ait Turrecrem. ad Reg. sancti Benedicti, tribus modis peccari, corde, ore, & opere. *Domine labia* dicitur contra peccatum oris; *Converte*, &c. contra peccatum cordis; *Deus in adiutorium*, contra peccatum operis. Et quia in peccato oris & cordis est aliquid operis, ideo, ait Dur. lib. 5. cap. 2. in Matutino quoque & Completorio additur Versus *Deus in adiutorium*, &c.

3 Aptius autem principio totius Officij præponitur *Domine labia*, &c. quia ore laudandus est Deus cum recitatione Officij. Et quia per diem vagamus a Deo, ideo sub noctem dicimus aptius, *Converte nos Deus*, &c. Per diem autem saepius cum antiquis Monachis dicimus, *Deus in adiutorium*, &c.

4 Prosequimur cum *Gloria Patri, & Filio*, &c. auctoritate Damasi; & ad omnes Horas dici, scribunt Amal. lib. 4. cap. 9. & Valafridus cap. 25. Damasus tamen non est auctor huius Versus, qui ante Damasum a Nicæna Synodo fuit compositus; imò ab

I. Aposto-